

地150.297
39
命=2

靈寶縣志

卷之二

建置
禮樂

學校

重修靈寶縣志卷之二

邑命涪陵周

金

署令金陵方

鼎

建置志

城池

衙署

公廨

壇廟

坊第

橋梁

先王建國命司空掌土度地居民置官師隆典禮辨上下厚風俗其道舉寓諸此雖在一邑而大典攸關百世不廢靈寶為中州名邑其所建置載在舊志者釐然可舉但其間興革不一端修舉非一人倘或令其湮沒弗著漸恐經畫區處並不知何代何時而創垂之先哲莫稽誰氏是亦當事者之責也志建置

靈寶縣志

卷之二

建置志

城池

按縣城始建未詳明景泰元年邑令夏永甯重建城週三里六十步高二丈五尺厚一丈七尺梁口一千其門三東曰來紫西曰拱華南曰歌薰至南之東又有門三中曰洙泗宮牆左曰禮門右曰義路前臨泮池諸生遊泮時始啟嘉靖八年教諭李溯洪重修崇禎年間邑令谷萬方修城時併梁口一千為五百用磚包西城一面東城十之七南城四十丈北城二十丈因遭流寇工未告城池本寬深一丈有半

國朝順治十三年前令梁儒重鑿康熙十五年大水復淤
前令尚天祿添建城樓三座東曰仙令閣西曰觀瀾樓
北曰介眉樓二十三年前令江縈又於南城建樓曰三
異樓復鑿池沿壕植柳數百株雍正五年前令程世綬
加築土堤嘉慶二十四年九月地震城坍前令呂子珏
請帑重修共用工料銀二萬三千九百餘兩較前完固

衙署

縣治在城北明季寇燬

國朝康熙十一年知縣任自宏重建厥後官斯土者增葺

靈寶縣志

卷之二

建置志

二

悉難稽考今計大堂五楹左庫藏右稅櫃捲棚三楹兩
廊書吏房十四間中爲戒石坊儀門五楹班房各四間
門樓五楹照壁一座左右牌坊東曰桃林古地西曰函
谷名區宅門內二堂三堂四堂五堂各五楹左右廂房
共十四間東西花廳南北各三間西書房五間廚房西
廂房共十六間

教諭署在明倫堂後

訓導署在明倫堂西

縣丞署在號畧鎮

距城四十里

典史署在宏農書院後

有記詳藝文

把總城守營署在城內東街

公廨

常平倉在縣治西前令霍濬遠建廩房七座共房三十

四間

預備倉在縣治西雍正十二年建廩房七座共房四十

四間

新建倉在南街學宮東康熙四十三年建廩房九座共

房四十七間

靈寶縣志

卷之二

建置志

三

養濟院在西門外原有地基六分九厘八毫建葺正房

三間東西房二十四間門樓一座

普濟堂在東門外原有地基一畝九分二釐九毫雍正

十二年建葺上房三間廂房二十二間門樓一座

桃林驛在縣治東原建差廳三間左右麩料房各一上

房三間東馬號七間西馬號六間驛夫房五間現圮

監獄在縣治西原建南廩三間北廩三間西廩三間女

廩一間獄神廟一座週圍磚墻一道高二丈底厚二

尺頂厚一尺五寸

大公館在南門外原建上房四間廂房十四間暨大門二門共房五間

東接官廳在東門外同治十二年前任周淦重建
西接官廳在西門外函谷關前同治十二年前任周淦重建

考舊志有分汛營布按分司府館遞運所陰陽醫學僧會道會司稅課司育嬰堂等公所今廢

壇廟

按邑中祠宇林立除文廟另詳學校外茲就有關祀典

靈寶縣志

卷之二

建置志

四

春秋致祭各壇廟詳查開載餘列寺觀以昭區別

社稷壇 在西關

神祇壇 祀風雲雷雨山川城隍在南關

先農壇 在縣東三里前令程世綬建有部頒圖式藉田畝分

朝日壇 在縣南五十里淪渡口

夕月壇 在縣西南六十里巴婁村

邑厲壇 在北城後同治十一年前令周淦建

文昌廟 在城內南街

關帝廟 在東關同治十三年前令周淦重修碑記詳藝文一在演武場

禹王廟 在東關

伯王廟 在縣東南三十里胡家原每年八月十五日陝州及本縣遣官致祭一在東關

城隍廟 在縣治西街

火神廟 在城隍廟東南

馬王廟 在縣治東

龍神祠 在縣東南十五里五帝村一在東關同治十二年前令周途重修

八蜡祠 在南關

夏直臣祠 在東關

雙烈祠 在東關祀康楊二節婦有記載藝文

靈寶縣志 卷之二 建置志

五

劉猛將軍祠 在東關

金姑娘娘娘祠 在東關

許名臣祠 在城內東街祀明許氏父子四尚書

三聖祠 在縣治西

李忠臣祠 在城隍廟東

江公祠 在夫家山下祀前任知縣江蘩

坊第

舊誌曰邑中舊多坊表流寇既陷城走欲於潼關築堅城利碑坊之石巨而且近遂拆運以去僅存三耳其餘

名公元老孝子節婦之表暨蕩然一空不亦深可惜哉
幸坊毀而名猶存備志之亦存羊之遺意也

德配天地坊

道貫古今坊

俱在文廟前

騰蛟坊

起鳳坊

在洋池左右前令張繼善建

育賢坊

在縣治東南通儒學

文獻名邦坊

在縣治前

名臣祠坊

為許襄毅公莊敏公文簡公恭襄公立

天官坊

人冢宰坊

吏部尚書坊

兵部尚書坊

太保坊

少司徒坊

靈寶縣志

卷之三

建置志

六

一椿先秀坊

鄉貢坊

進士坊

繡衣坊

俱為許襄毅公立

尚書巷坊

太保里坊

父子四尚書坊

俱為許襄毅公莊敏公文簡公恭襄公立

羣英坊

為許襄毅公及舉人張潭克茂立

父子冢宰坊

為許襄毅公文簡公立

兄弟司徒坊

為許莊敏公文簡公立

翰林學士坊

進士坊

黃門清要坊

國子祭酒坊

聯魁坊

吏部侍郎坊

戶部尚書坊

俱為許莊敏公立

進士坊

學士坊

刑部尚書坊

戶部尚書坊

黃閣清風坊

青宮太傅坊

黃閣輔丞坊

春曹玉容坊

南宮大夫坊

五馬刺郡坊

聯璧坊

俱為許文簡公立

進士坊

夏官職方坊

大司馬坊

經元坊

俱為兵部尚書許恭襄公立

四世執法坊

為都察院掌院許進右副都御史許論左都督許茂樹太子太保左都督許浩然立

靈寶縣志

卷之二

建置志

七

五桂聯芳坊

為許詔許誥許讚許詩許論立

世科坊

為經元許詔立

贊揚風紀坊

為都察經歷許詞立

殫勤任事坊

為長蘆運司許詞立

進士坊

繡衣坊

俱為御史楊鍊立

鄉貢坊

都憲坊

俱為何濬立

世科坊

為勅封都御史何濬戶部侍郎何鈞刑部員外郎何鈇臨洮府同知何繼武立

世科坊

為鄉進士何濬賜進士何鈞鄉進士何鈇賜進士何鈇鄉進士何延吉立

進士坊

牙繡坊

都憲坊

俱為何鈞立

進士坊

為員外郎何鈇立

世科坊

進士坊

左方伯坊

俱為布政司楊惟康立

關河俊秀坊

為舉人賀賁彭範許佃許任許份王聘焦晃許茂梅許茂挺立

世科坊

為舉人趙友書立

攀蟾坊

為舉人陳素立

折桂坊

為舉人楊瑀立

御史坊

為監察御史賀賁立

會試經元坊

都諫議坊

俱為給事中彭範立

世科坊

為舉人彭公溥立

登瀛坊

為舉人張潭立

步月坊

為舉人胡斌立

騰蛟坊

為舉人趙彥章立

鄉貢坊

進士坊

俱為御史李廷光立

靈寶縣志

卷之二

建置志

八

嗣秀坊

為舉人許伸立

豸繡坊

為御史胡諒立

光祿坊

為署丞焦詔恩立

義活萬人坊

為引禮焦紹輔立

重光坊

為舉人許儒立

鄉貢坊

為舉人張澤立

解元坊

為萬歷庚子科荆時薦立

官預二倉坊

在倉巷口

大中丞坊

少廷尉坊

俱為許默齋公立

貞節坊

為呂才妻李氏立

貞節坊

為王建中妻秦氏立

烈節坊

為生員楊宋妻康氏立

貞節坊

為蘇六妻屈氏立

以上俱廢

橋梁

雙虹橋

在縣城西宏農澗上秋暮成梁至夏而撤以避冲毀

交通橋

在儒學泮池左右前令張繼善建霍濬遠重修厥後傾圮同治十一年前令周淦重建

沙河橋

在稠桑二十里

好陽橋

在城東十里

曲沃橋

在城東二十里

店頭橋

在城南十五里

號州橋

在號畧鎮東

南村橋

在城南六十里

五畝底橋

在城南六十五里

宋曲橋

在城南七十里

崔家磨橋

在城南七十里

薄龍灣橋

七十五里

台頭橋

入十里

長橋

一百里

峽裡橋

八十五里

朱陽橋

一百里

靈寶縣志

卷之二

建置

九

魚現橋

一百五里

瓦埡頭橋

一百一十里

魚窟寺橋

一百一十里

沙底河橋

一百四十里

遇仙橋

在禮村

渠堰

宏農湖西岸渠貳拾貳道

北灣渠自王梨村東起至掛榜崖前止灌田貳頃零
德盛渠自店頭村起經王梨村至孟村北止灌田三頃
七十畝零

清猶渠自店頭村起至王梨村止灌田五拾畝零

永清渠自坡頭村起至店頭村止灌田兩頃零

康民渠自岸底村起至東西留村止灌田伍拾畝零

大清渠自號畧鎮東起經南北田村牛庄至牆底村止

靈寶縣志

卷之二

渠堰

一

灌田陸頃零

福民渠在嫌溝淤

小清渠自田村東起至牛庄村止灌田兩頃零

得勝渠自老鸛窩起經淪渡口南營村周家溝杜家坡

小寨村北止共灌田陸頃零

鴻溝渠在五龍頭淤

子母渠在新庄失考

永清渠自號畧鎮南起經五龍頭南田村北田村至牛
庄村北止灌田壹拾肆頃零

青龍渠在營田溝淤

小清渠自淪渡口村東南起經南營村至陰家門始灌田至號州古城北止共灌田壹拾陸頃零

永盛渠自南灘村北起經淪渡口至萬宿底村北止灌田伍頃零

得勝渠自漢王廟下起經五洞溝老鶴坡南灘村淪渡口至南營村止共灌田陸頃零

樂民渠自西庄村南起至村北止共灌田伍拾畝零

太和渠自上宋曲茨兒溝起經南村至西庄村東止共灌田壹頃柒拾畝零

北裕民渠自上宋曲村起至下宋曲村止灌田壹頃捌拾畝零

南裕民渠自上灘起至五畝村止灌田貳頃零

長通渠自下匣村東青石崖起至長橋村南止灌田兩頃零

永義渠自梁家窰起經陳家溝至孟家灣止灌田五頃零

宏農澗東岸渠拾壹道

誠意渠自梨園庄村西起至函谷關下止灌田伍頃零
龍灣渠自杏花村西北起至梨園庄村西北止灌田拾
頃零

順通渠自店頭村東梁村北起經杏花村至高家灘村
西止灌田兩頃肆拾畝零 又分支壹道自杏花村

西起經高家灘至佛窰灣村西北止灌田壹頃零

黃清渠自馬泉頭村起至梁村北止灌田六頃零

源頭渠自馬泉頭村北泉水起至梁村南止現為河水

衝崩僅灌田貳拾畝零

靈寶縣志

卷之二

渠堰

三

隆盛渠自東關村西南起經思平口村至小河南岸止
灌田伍頃零

程公渠自思平口村西起灌南田村河東地兩頃零
廷評渠在婁下村灌田八頃零

太清渠自閻里村西南起經王家灣濁浴張家灣新庄
澗東東關萬柳庄申家灣思平口至小河南岸止灌
田肆拾頃零

足民渠自項城村西南起至閻里村北止灌田壹頃零
柳谿渠自項城西南起至婁下村止淤

灞底河東岸渠拾壹道

通和渠自三聖村西南起至南馬泉頭伯玉廟止灌田壹頃零

聖灣渠自楸梓村西南起至灣底村西北止灌田貳頃伍拾畝零即埧灣渠

上河渠自磻底村西南起至楸梓村西北止灌田伍頃零

長清渠自川口村北海嘴起經橫渠村至磻底村西北止灌田肆頃零

橫渠自川口村北海嘴起經橫渠村至猪尾河止灌田壹頃伍拾畝零

永流渠自趙吾村西起經川口布庄至橫渠村墳前止灌田壹頃零

幽靜渠在川口村淤

和順渠自在底村起經川口寨子上圪窩埧布庄至閭謝南溝村北止灌田叁頃陸拾畝零

東陽渠自田良寺起經趙吾村至川口村南止灌田壹頃捌拾畝零

靈寶縣志

卷之二

渠堰

樂民渠自磨底村北起經窰底村至庄底村北止灌田
兩頃柒拾畝零

民望渠自城烟村南起經磨底至南朝村北止灌田叁
頃零

瀾底河西岸渠捌道

通道渠自南嶽山村東南起經南嶽山北嶽山至東車
村止灌田捌頃零

富民渠自北嶽山村東南起經北嶽山大中原小中原
東車村周家巷至車村埕東北止灌田拾頃零

靈寶縣志

卷之二

渠堰

五

古道渠自北嶽山村北起經大中原小中原至婁下村
止灌田十頃零

昌民渠自北嶽山村北起經大中原小中原婁下村至
十字口止灌田五頃零

瑤爾背渠自大中原村北起至灣底村西止灌田陸拾
畝零

樂盛渠自大中原村北起至十字口村北止灌田肆頃
伍拾畝零

問和渠自灣底村西起至三聖村北止灌田兩頃零

原灘渠自灣底村西起經三聖村至馬泉頭西北止灌田叁頃零

開方口河東岸渠肆道

滋民渠自道下村起經河灘開方口東澗口至禮村止灌田陸頃零

東渠自東澗口村西南起至尹庄村東止灌田玖頃零

上水渠自東車村西南起至村東止灌田壹頃零

順水渠自車村瑶村南起至本村東北止灌田伍頃零
開方口河西岸渠陸道

靈寶縣志

卷之二

渠堰

六

紅陽渠自開方口河西起經西澗口至濁峪村北止灌

田捌頃零

中和渠自西澗口村東南起至尹庄村西南御史斜北

止灌田玖頃零

全河渠自西澗口村東起至尹庄村西南止灌田拾捌
頃零又名小興渠灌田伍頃零

顧家渠自尹庄村東南起至本村西南止灌田陸頃零

花戶渠原名利水渠自尹庄村東起至西車村止灌田

拾貳頃零

曉清渠自尹庄村北起至西車村西北止灌田玖頃零
右渠十道指河分水按甲輪流甲派土七日平七日
水常不足每十四日週而復始

上清渠在河灘未入甲

下清渠在河灘未入甲

好陽河渠伍道

小清渠自峪口北崖起至樂村寨食用

中水渠自峪口西起分二道一東經磨頭村至南宋村

止灌田壹頃零一北至磨頭村北止灌田兩頃零

靈寶縣志

卷之二

渠堰

七

永清渠自峪口西起經磨頭村至觀音堂分二渠東渠

經下磴村東西渠經下磴街中共灌田十三頃零又

西渠北至路井村入陂池中食用

益民渠自峪口東南起至李曲村西北止灌田拾叁頃

零

厚民渠自閻家坪村南起經神窩村至寺土村止灌田

壹頃零

沙河水渠壹道

水泉渠自水泉頭村南起至村北止灌田數拾畝

燕廟水渠叁道

燕廟渠原名澤民渠自上坡頭村起至下坡頭止灌田

叁頃零

上河渠自歡窩村東越至村西南止現淤

油水渠自閻謝村北起至村西北止

泮水渠貳道

函谷渠自縣學泮池起傍城西流至宏農澗止

豐盛渠自縣學泮池起今淤

仁義渠一道坐落賈峪村

靈寶縣志

卷之二

渠堰

八

學校志

興道致治立教為先我

國家重熙累洽造士之方上追菁莪棫樸之盛洵哉家絃誦而戶詩書矣靈邑為中州名區百餘年來薰陶漸摩士氣日上是在守土者加意作興以仰副

聖天子樹人之雅意耳志學校

靈寶學宮在縣治東南宋天聖元年建元末兵燬明洪武三年縣丞陳仁澤重建自正統至宏治間知縣蔡中陳順李嶽王璵李恭相繼修葺嘉靖九年知縣馬瓚重

靈寶縣志

卷之二

學校志

一

修

國朝順治十一年知縣郭顯功重修康熙二十二年知縣江縈重修四十八年知縣俞琨增修雍正七年知縣程世綬修葺

先師殿五間邑令江縈重修有碑記

東西廡各十一間 戟門三間 櫺星門三間

崇聖祠三間

在廟左

梓潼祠三間

在廟左

戟門外東為名宦

祠三間西為鄉賢祠三間

節孝祠三間

在廟西

明倫

堂五間

以上俱邑令江縈建有碑記

忠義孝弟祠三間

在廟西

祭器樂

器庫各二間 在兩廡旁 奎星樓在櫺星門東 前令郭文高

在櫺星門西 前令梁儒建

泮池 明正統中教諭陳亮疏泉為之 國朝康熙中邑令霍濟遠教諭惠博重修同治中邑令周淦增修

俱有碑記 載藝文志

宏農書院在縣治西

聖祖仁皇帝西巡迴駐蹕處大門三間二門三間 內祀梓潼大帝君像

堂三間 內題德衍文章匾門匾 雲漢遺教吏部郎江題 退堂三間東西齋房

各六間廚房三間 邑令江蔡創建有碑記載藝文志 西區院南房四

間西房三間 邑令周淦增修有碑記載藝文志

靈寶縣志 卷之二 學校志 二

考院在書院西照壁一 左右轅門二 大門三間 內東廂房三間

至公堂三間 東西號房各十二間蔚文堂三間 左右

耳房 內東西廂房 屏門一間 各三間 退堂三間西院箭亭三

間廚房三間 邑令嚴正基創建有碑記載藝文志

現設立義學共廿二處俱以生員教讀歲支束脩銀三

十兩各有首事二人經理

一在城內東街撥給張劉氏捐輸地三十四畝歲收稞

租銀三十六兩八錢佃戶徑繳塾師除抵束脩銀三

十兩外餘銀繳縣完糧

一在城內南街撥給張劉氏捐輸地二十五畝歲收稞租銀三十三兩九錢佃戶徑繳塾師除抵束脩銀三十兩外餘銀繳縣完糧

一在西關撥給宏農書院舊有稞租銀三十三兩六錢二分地畝坐落何里由該里糧差催收繳縣塾師按六月十月具領銀三十兩餘銀三兩三錢存縣補發朱陽義學不敷束脩

一在朱陽鎮撥給宏農書院舊有稞租銀二十八兩八錢地畝坐落朱陽每年六月十月莊頭催收繳縣塾

靈寶縣志

卷之二

學校志

三

師照數具領不敷銀一兩二錢由縣補足

一在固水鎮撥給屈蒲身楊永祥薛春華李在泮入官地稞租銀十一兩三錢由佃戶徑繳塾師不敷銀十八兩七錢在差局找補足數

一在新店村撥給李博古暨荻羽溝官地稞租銀一十三兩三錢一分由莊頭繳縣塾師按六月十月來縣具領不敷銀十六兩六錢九分在差局找補足數

一在川口鎮撥給亢定元充公地稞租銀二十四兩佃戶徑繳塾師不敷銀六兩在差局找補足數

一在北村

一在路井村

一在牛庄村

一在號畧鎮

一在西張村

一在稠桑鎮

一在曲沃鎮

一在下庄村

一在西坡頭村

一在小中原村

一在五畝街

一在巴婁村

一在大閭村

一在朱陽街

一在長橋村

以上十三學每年在差局各支銀三十兩

國朝定鼎以來靈寶入學舊額歲科兩試文試進十二名武試進十二名雍正十二年奉部文准各廣額三名以十五名為率向屬河南府管轄十四處歲科二考共

靈寶縣志

卷之二

學校志

四

文府學四十名武府學二十名各按文風撥入原無定額於雍正四年分直隸州陝靈閩盧四處歲科考各分文府學三名歲考分武府學六名仍按四處文風撥入亦無定額廩膳生共二十名增廣生共二十名

禮樂志

朝賀 開讀 宣讀 迎春 耕籍 祭祀 救護
祈禱 鄉飲 鄉約 上官

武城小邑耳而言子為宰絃歌奏績焉禮樂之有關於風化者鉅矣靈邑為中州文物之區而當我

國家禮明樂備之世凡其所以和上下而格神人者知不得因陋就簡而不講於合敬同愛之道也志禮樂
慶賀

萬壽聖節前一日於御題寺前殿敬設

龍亭排列儀仗至日五更文武各官衣朝衣齊伏立丹墀

靈寶縣志

卷之二

禮樂

一

下文東武西禮生四名稟三鼓行禮引至各拜位通贊
唱序班行三跪九叩頭禮畢各退前三日後三日俱蟒
衣坐班

儀仗

龍亭一 龍幄一 龍扇一 椅一 香亭一
龍傘一 梧杖一 盆一 立瓜一 卧瓜一
骨朵一 金鉞二

皇太后萬壽聖節禮節同

皇后千秋令節元日長至節禮節俱同

惟不先後坐班

開讀

詔書至本地官員衣朝衣具 龍亭彩輿儀仗鼓樂出郭外

肅迎

賫使捧

詔書置 龍亭中南向使者立於亭東本地官員北向行三跪九叩頭禮眾官及鼓樂前導使者隨 龍亭後行至公庭門外眾官先趨入文武分東西序跪候 龍亭至公庭中使者立 龍亭之東西向贊禮生通贊序班文東武西樂作行三跪九叩頭禮使者捧

靈寶縣志

卷之二

禮樂

二

詔書授展讀生展讀生跪受詣開讀案前宣讀眾官皆跪宣讀畢展讀生捧

詔書恭授使者捧置 龍亭中眾官跪行三叩頭禮起又行

二跪六叩頭禮具鼓樂恭送

龍亭

凡

詔書經過道路官員軍民人等俱於路旁俯伏候

詔書過方起如出使在外官員遇

詔書到處卽出迎郊外至公庭中贊禮生贊出使官行禮先

引至露臺行三跪九叩頭禮然後本地官行禮至開讀時出使官仍隨班跪聽一同行禮

凡

詔書經過及止宿地方先行知五里之內文武各官具鼓樂出城迎接跪於道右候

詔書過方起隨至郵亭設香案供奉 賞使立於案東禮生

贊行三跪九叩禮至臨行時仍具鼓樂出城在道右跪送

宣講

靈寶縣志

卷之二

禮樂

三

聖諭

每月朔望預擇寬潔公所設香案屆期文武俱至衣蟒衣禮生唱序班行三跪九叩禮退班齊至講所軍民人等環列肅聽禮生唱恭請開講司講生詣香案前跪恭捧

上諭登臺木鐸老人跪宣讀畢禮生唱請宣講司講生按次講畢退

迎春

每歲有司預期塑造春牛並芒神立春前一員各官書

服迎於東郊祭勾芒神至本日衣朝衣祭勾芒神訖各執彩仗正官擊鼓三聲環鞭土牛者三

耕籍

每歲仲春亥日巳時祭

先農壇午時行耕籍禮祭日承祭官率各官請

神位供於壇上衣朝衣行禮祭畢送入祠

壇高二尺一寸廣二丈五尺 牌高二尺四寸廣六寸

座高五寸廣九寸五分 壇後祠宇門樓一間正房一

間供 神正位配房一間壇右建屋一間爲籍倉籍田

靈寶縣志

卷之二

禮樂

四

肆畝玖分置於南郊

祭品 帛一 白色 羊一豕一 鉶一 籩四豆四簋二 簋二

爵三

禮節

祭日各官衣朝衣禮生引承祭官至拜位通贊唱執事者各執其事陪祭官各就位承祭官就位通贊唱瘞毛血禮生引詣盥洗所贊盥洗淨巾引詣香案前贊迎神行二跪六叩頭禮興行初獻禮引詣 神位前跪奠帛獻爵叩頭興詣讀祝位跪眾官皆跪宣祝文畢叩頭興

引唱復位通贊唱行亞獻禮引詣 神位前跪獻爵叩
頭興復位通贊唱行三獻禮如亞獻儀通贊唱飲福受
胙引唱詣飲福受胙位跪飲福酒受福胙叩頭興謝胙
一跪三叩頭興復位通贊唱徹饌送 神行二跪六叩
頭禮興通贊唱司祝者捧祝同帛者捧帛各詣燎所引
唱詣望燎位焚畢揖復位通贊唱禮畢各官更蟻衣指
籍田行耕籍禮

一官捧青箱一官播種各官俱用右手扶犁左手執鞭
各行九推禮農夫終畝耕畢各回官廳更朝衣望

靈寶縣志

卷之二

禮樂

五

闕恭行三跪九叩頭禮仍將遵行耕籍日期具

奏 州縣正印官秉耒佐貳執青箱播種

耕籍器物

農具一

赤色

牛一

黑色

籽種箱一

青色

祭

文廟典禮

每歲仲春仲秋上下日致祭先期承祭官率陪祭各官
齊赴

文廟階下行一跪三叩頭禮教官滌器視牲並塗毛血至期
黎明各官穿朝衣齊集行禮正殿

至聖先師孔子神位

祭品 帛一 白色 牛一羊一豕一豉一鉶一簋二簋二 籩二 邊十豆十酒罇一白磁爵三

東配

復聖顏子 名回字子淵魯人 述聖子思子 名伋字子思

西配

宗聖曾子 名參字子輿魯武城人 亞聖孟子 名軻字子輿鄒人

祭品 帛四 白色 豕一羊一鉶一簋二簋二邊八豆八

酒罇一白磁爵三東西同

靈寶縣志

卷之二

禮樂

六

東哲

先賢閔子 名損字子騫魯人 冉子 名雍字仲弓魯人 端木子 名賜字子貢衛人

仲子 名由字子路魯人 卜子 名商字子夏衛人 有子 名若字子若魯人

西哲

冉子 名耕字伯牛魯人 宰子 名予字子我魯人 冉子 名求字子有魯人

言子 名偃字子游吳人 顓孫子 名師字子張陳人 朱子 名熹字元晦宋婺源人

祭品 帛一 白色 豕一鉶各一簋各一籩各一邊豆各

四豚首一白磁爵三東西同

東廡

賢先公孫僑 字子產鄭公族 林放 字子邱魯人

原憲 檀弓稱仲憲字 子思魯人 南宮适 字子容魯人 一作南宮

商瞿 字子木魯人 漆雕開 字子若蔡人 一目魯人

司馬耕 字伯牛宋人 梁鱣 字子魚一名鯉齊人

冉孺 字子魯家語作 伯虔 字子析魯人

冉季 字子產一字子 漆雕徒父 字子有魯人

漆雕哆 一作侈字子歛 公西赤 字子華魯人

任不齊 字子選楚人 公良孺 家語名儒字子正陳人

公肩定 字子中魯人 鄒單 史記字子家徐廣作鄒 善魯

靈寶縣志

卷之二

禮樂

七

罕父黑 字子素家語作 榮旂 史記字子旗家語作榮 祿魯人

左人郢 字子行魯人按 原亢 字子籍魯人

鄭國 家語作薛邾字子徒魯人史記避漢高祖諱以 邾為國鄭字疑薛字之誤

廉潔 字子庸一作子 叔仲會 字子期文翁圖作會魯 曹衛人

公西與如 字子上一作 邾嬰 家語作邾選字子餘魯 公西與魯人

陳亢 字子禽陳人 琴牢 家語字子開文翁圖字 子張衛人

步叔子乘 字子車齊人 秦非 字子之魯人

顏噲 字子聲魯人 顏何 字子冉魯人

縣亶 亶一作豐字子 皮 力牧之後

樂正克

周人孟子弟子

萬章

齊人

周敦頤

字茂叔宋道州人稱濂溪先生

程灝

字伯淳宋河南人稱明道先生

邵雍

字堯夫宋河南人元祐中賜名康節

先儒公羊高

周未齊人

伏勝

字子賤濟南人生秦漢間習書

毛亨

漢魯人世稱為大毛公善說詩

孔安國

漢武帝時兗州人

后蒼

字近君漢東海鄉人

鄭元

字康成東漢北海高密人

范甯

字武子晉鄆陵人

陸贄

字敬輿唐嘉興人

范仲淹

字希文宋吳縣人謚文正

歐陽修

字永叔宋廬陵人謚文忠

司馬光

字君實宋夏縣涑水鄉人封溫國公

謝良佐

字顯道宋上蔡人

靈寶縣志

卷之二

禮樂

八

羅從彥

字仲素宋南劍州人稱豫章先生

李綱

字伯紀宋元武人

張栻

字敬夫宋綿竹人號南軒先生

陸九淵

宋金谿人字子靜稱象山先生

陳淳

字安卿號北溪宋漳州龍溪人

真德秀

字景元宋蒲城人

何基

字子恭宋金華人謚文定

文天祥

字宋端宋吉水人

趙復

字仁甫元德安人

金履祥

字善文號仁山元蘭谿人

陳澧

字可大宋江西南康人

方孝儒

字希直明甯海人

薛瑄

字德温明河津人稱敬軒先生

胡居仁

字叔心明餘于人稱敬齋先生

羅欽順

字允升號整菴明泰和人謚文莊

呂柟

明涇野人

劉宗周

字起東謚忠介明山陰人

孫奇逢

字鍾元號夏峯國朝平湖人

張履祥 字考夫 國朝桐鄉人 陸隴其 字稼書 國朝平湖人

西廡

先賢 遠 瑗 字伯玉 衛人 澹臺滅明 字子羽 魯武城人

宓不齊 字子賤 魯人 公冶長 字子長 魯人

皙 哀 一作皙克 齊人 高 柴 字子羔 家語齊人 史記衛人

樊 須 字子遲 魯人 商 澤 字子秀 一作子季 魯人

巫馬施 字子期 陳人 顏 辛 字子柳 魯人

曹 卹 字子循 蔡人 公孫龍 家語作公孫寵 衛人

秦 商 字丕 茲史記作子丕 魯人 顏 高 字子驕 家語作顏刻 魯人

靈寶縣志 卷之二 禮樂 九

壤駟赤 字子徒 一作子從 秦人 複姓 石作蜀 字子明 一作石子 蜀秦人

公夏首 一名守 字子乘 魯人 複姓 后 處 一作石 處字子里 齊人

奚容蒧 字子偕 一作子哲 衛人 奚仲之後 顏 祖 一名相 字子襄 魯人

句井疆 字子疆 句一作勾 衛人 秦 祖 字子南 魯人

縣 成 字子祺 魯人 公祖句茲 家語無句字 魯人

燕 伋 家語作緞 字子思 秦人 樂 欬 字子聲 家語作樂欣 魯人

狄 黑 字皙之一 作子皙 衛人 孔 忠 字子蔑 史記作孔子 兄孟皮之子

公西蒧 字子上 魯人 顏之僕 字子叔 魯人

施子常 字子恒 魯人 申 棖 字子周 魯人

左邱明 魯人左史倚相之後 秦冉 魯人

公明儀 魯南武城人 公都子 孟子弟子齊人

公孫丑 齊人 張載 字子厚宋郿縣人稱橫渠先生

程頤 字正叔伯淳之弟稱伊川先生

先儒 穀梁赤 字元始魯人 高唐生 字伯漢初魯人

董仲舒 漢廣川人 毛萇 字長公漢趙人世稱小毛公善說詩

杜子春 漢河南緱氏人 諸葛亮 字孔明漢襄陽人謚忠武

王通 字仲淹隋龍門人弟子私謚文中子 韓愈 字退之唐南陽人謚日文

胡瑗 字翼之宋海陵人稱安定先生 韓琦 字稚圭宋相州安陽人

靈寶縣志 卷之二 禮樂 十

楊時 字中立宋將樂人稱龜山先生 尹焞 字顏明一字德充宋洛陽人賜和靖處士

胡安國 字康侯宋崇安人 李侗 字愿中宋延平人

呂祖謙 字伯恭先萊人遷婺州稱東萊先生 袁燮 字和叔南宋鄞縣人為金谿高弟

黃幹 字直卿號勉齋宋福州閩縣人 蔡沉 字仲默宋建陽人稱九峯先生

魏了翁 字華甫宋邛州蒲江人謚文靖 王柏 字會之號魯齋宋金華人

陸秀夫 字君實宋鹽城人 許衡 字平仲元河南人稱魯齋先生

吳澄 字幼清號草廬宋崇安人 許謙 字益之號白雲元金華人

曹端 字月川明澠池人 陳獻章 字公甫明新會人稱白沙先生

蔡清 字介夫號虛齋明晉江人 王守仁 字伯安明餘姚人稱陽明先生謚文成

呂坤

字叔簡甯陵人

黃道周

字石齋一字幼平明福建漳浦人

湯斌

字潛菴南雒州人國朝河

祭品

帛一白色

豕三每案簋一盞一邊豆各四銅爵

各一東西同

禮節

分獻官陪祭官各入兩旁門序立贊引官導承祭官至盥洗所盥洗畢引至臺階下立典儀唱樂舞生就位執事官各司其事分獻官陪祭官各就位贊引官贊就位承祭官就拜位立分獻官隨後立典儀唱迎神唱舉

靈寶縣志

卷之二

禮樂

七

迎神樂奏咸平之章樂作贊引官贊跪叩興承祭官陪祭官分獻官俱行三跪九叩頭禮興樂止典儀唱奠帛行初獻禮唱舉初獻樂奏甯平之章樂作贊引官贊墜壇導承祭官由東階上進殿左門贊引官贊詣

至聖先師孔子位前承祭官至案前立贊引官贊跪叩興承祭官行一跪一叩頭禮贊引官贊奠帛捧帛官以帛跪進承祭官接帛拱舉立獻畢贊引官贊獻爵執爵官以爵跪進承祭官接爵拱舉立獻畢行一跪一叩頭禮與贊引官詣讀祝位承祭官詣讀祝位立讀祝官至祝案

前一跪三叩頭捧祝版立於案左樂止贊引官贊跪承
祭官讀祝官分獻官陪祭官俱跪贊引官贊讀祝讀畢
捧祝至 正位前案上跪安帛匣內三叩頭退樂作贊
引官贊叩興承祭官及各官行三叩頭禮興贊引官贊
詣

復聖顏子位前承祭官就案前立贊引官贊跪叩興承祭
祭官一跪一叩頭興贊引官贊奠帛捧帛官跪進於案
左承祭官接帛拱舉立獻案上贊引官贊獻爵執爵官
跪進於案左承祭官接爵拱舉立獻案上行一跪一叩

靈寶縣志

卷之二

禮樂

三

頭禮興贊詣

宗聖曾子位前如前儀贊詣

述聖子思子位前如前儀贊詣

亞聖孟子位前如前儀其十二哲兩廡分獻官俱照前儀
行禮畢贊引官贊復位承祭官分獻官仍詣

至聖先師位前立樂止興儀唱行亞獻禮唱舉亞獻樂奏安
平之章樂作贊引官贊陞壇獻爵於左如初獻儀贊引
官贊復位承祭官分獻官各復位立樂止興儀唱行三
獻禮唱舉三獻樂奏景平之章樂作贊引官贊陞壇獻

爵於右如亞獻儀贊引官贊復位承祭官分獻官各復位立樂止典儀唱飲福受胙贊引官贊詣受福胙位承祭官至殿內立捧酒胙官二員捧至正位案前拱舉至飲福受胙位右旁跪接酒胙官二員在左旁跪贊引官贊跪承祭官跪贊飲福酒承祭官受爵拱舉授接爵官贊受福胙承祭官受胙拱舉授接胙官贊引官贊叩興承祭官三叩頭興贊復位承祭官復位立次行謝福胙禮贊引官贊跪叩興承祭官分獻官及陪祀各官俱行三跪九叩禮興典儀唱徹饌唱舉徹饌樂奏咸平之

震寶縣志

卷之二

禮樂

三

章樂作徹訖樂止典儀唱送神唱舉送神樂奏咸平之章樂作贊引官贊跪叩興承祭官分獻官及陪祀各官俱行三跪九叩頭禮樂止典儀唱捧祝帛饌各詣燎位捧祝官捧帛官至各位前一跪三叩頭捧起祝文在前帛次之捧饌官跪不叩頭捧起在後俱送至燎位承祭官退至西旁立候祝帛饌過仍復位立典儀唱望燎唱舉望燎樂與送神同樂作贊引官贊詣望燎位導承祭官至燎位立祝帛焚訖樂止贊引官贊禮畢退

樂器 麾幡一首金鐘十六

即古編鐘

玉磬十六楹鼓一

即古

應搏付鼓二即古祝一敵一琴大瑟四簫六笛六排簫

二笙六壎二篪二

舞器 旌節二羽籥三十六

糾儀官一員禮生二十八名

佾舞生三十六名歌童四名樂工五十二人

樂章 乾隆十年製譜

春祭 夾鐘為宮應鐘起調

迎神咸平

大哉孔子 佾佾佾佾 先覺先知 佾佾佾佾

靈寶縣志 卷之二 禮樂

十四

與天地參 佾佾佾佾 萬世之師 佾佾佾佾

祥徵麟綏 佾佾佾佾 韻答金縢 佾佾佾佾

日月既揭 佾佾佾佾 乾坤清夷 佾佾佾佾

初獻甯平 三獻有舞餘無舞秋祭同

予懷明德 佾佾佾佾 玉振金聲 佾佾佾佾

生民未有 佾佾佾佾 展也大成 佾佾佾佾

俎豆千古 佾佾佾佾 春秋士了 佾佾佾佾

清酒既載 佾佾佾佾 其香始升 佾佾佾佾

亞獻安平

式禮莫愆

伋伋伋伋

升堂再獻

伋伋伋伋

響協鼓鏞

伋伋伋伋

誠孚疊獻

伋伋伋伋

肅肅雍雍

伋伋伋伋

譽髦斯彥

伋伋伋伋

禮陶樂淑

伋伋伋伋

相觀而善

伋伋伋伋

終獻景平

自古在昔

伋伋伋伋

先民有作

伋伋伋伋

皮弁祭菜

伋伋伋伋

於論思樂

伋伋伋伋

惟天牖民

伋伋伋伋

惟聖時若

伋伋伋伋

彛倫攸敘

伋伋伋伋

至今木鐸

伋伋伋伋

靈寶縣志

卷之二

禮樂

五

徹饌咸平

先師有言

伋伋伋伋

祭則受福

伋伋伋伋

四海賢宮

伋伋伋伋

疇敢不肅

伋伋伋伋

禮成告徹

伋伋伋伋

毋疏毋瀆

伋伋伋伋

樂所自生

伋伋伋伋

中原有菽

伋伋伋伋

送神咸平

鳧繹戔戔

伋伋伋伋

洙泗洋洋

伋伋伋伋

景行行止

伋伋伋伋

流澤無疆

伋伋伋伋

聿昭祀事

伋伋伋伋

祀事孔明

伋伋伋伋

化我蒸民

伏在伏在

育我膠庠

伏在伏在

秋祭

南吕為宮仲吕起調

迎神咸平

大哉孔子

伏在伏在

先覺先知

伏在伏在

與天地參

伏在伏在

萬世之師

伏在伏在

祥徵麟綬

伏在伏在

韻答金絲

伏在伏在

日月既揭

伏在伏在

乾坤清夷

伏在伏在

初獻甯平

予懷明德

伏在伏在

玉振金聲

伏在伏在

靈寶縣志

卷之二

禮樂

六

生民未有

伏在伏在

展也大成

伏在伏在

俎豆千古

伏在伏在

春秋上了

伏在伏在

清酒既載

伏在伏在

其香始升

伏在伏在

亞獻安平

式禮莫愆

伏在伏在

升堂再獻

伏在伏在

響協鼗鏞

伏在伏在

誠孚罍獻

伏在伏在

肅肅雍雍

伏在伏在

譽髦斯彥

伏在伏在

禮陶樂淑

伏在伏在

相觀而善

伏在伏在

終獻景平

自古在昔

佻佻佻佻

先民有作

佻佻佻佻

皮弁祭菜

佻佻佻佻

於論思樂

佻佻佻佻

惟天牖民

佻佻佻佻

惟聖時若

佻佻佻佻

葵倫攸敘

佻佻佻佻

至今木鐸

佻佻佻佻

徹饌咸平

先師有言

佻佻佻佻

祭則受福

佻佻佻佻

四海鬻宮

佻佻佻佻

疇敢不肅

佻佻佻佻

禮成告徹

佻佻佻佻

毋疏毋瀆

佻佻佻佻

樂所自生

佻佻佻佻

中原有菽

佻佻佻佻

靈寶縣志

卷之二

禮樂

志

送神咸平

鳧繹戔戔

佻佻佻佻

洙泗洋洋

佻佻佻佻

景行行止

佻佻佻佻

流澤無疆

佻佻佻佻

聿昭祀事

佻佻佻佻

祀事孔明

佻佻佻佻

化我蒸民

佻佻佻佻

育我膠庠

佻佻佻佻

舞譜 初獻作甯平舞

覺 一舞

我 二舞

生 一別脚

民 一甚固

陶 一名

鑄 二名

前 一揖

聖 對面

魏 雨舞

魏 對面

泰 一擗脚

山 一擗脚

實 一別腳
予 二別腳
景 一揖
行 一擺腳

禮 一舞
備 二舞
樂 一擺腳
和 二擺腳

豆 對面一擺
邊 對面二擺
惟 一揖
靜 朝上

既 一擺腳
述 二擺腳
六 一提腳
經 一扯圈

爰 一擺腳
斟 二擺手
三 三擺手
正 一叩頭

亞獻作安平舞

大 一舞
哉 二舞
聖 一別腳
師 一扯圈

天 一名
授 二名
明 一揖
德 對面

木 兩舞
鐸 對面
萬 一提腳
世 一灌耳

靈寶縣志 卷之二 禮樂

式 一別腳
是 二別腳
羣 一舞
辟 一拱手

清 一舞
酒 二舞
維 一擺腳
醕 一擺腳

言 對面一擺
觀 對面二擺
秉 一揖
翟 朝上

太 一別腳
和 二別腳
常 一提腳
流 一扯圈

英 一擺手
材 二擺手
斯 三擺手
植 一叩頭

終獻作景平舞

猗 一舞
歟 二舞
素 一別腳
王 一扯圈

示 一看尖
予 二看尖
物 三看尖
軌 一蹲身

瞻 背一名
之 背二名
在 一別腳
前 一扯圈

神對面一舞其對面二舞甯一揖止一拱手

酌一看尖彼二看尖金一揖罍一扯圈

惟一召清二召且一蹲身旨二蹲身

登一擺手獻二擺手既三擺手終朝上

弗一舒手遐二舒手有三舒手喜二叩頭

歷代尊崇

先師考

周時魯哀公十六年孔子卒公誅之曰尼父為立廟舊

宅置守卒立廟始此

靈寶縣志 卷之二 禮樂

九

漢高帝十二年過魯以太牢祀孔子詔諸侯王卿相至

郡國先謁廟後從政祀孔子始此後漢明帝永平二年詔學

校皆祀周公孔子學祀始此靈帝元光元年置鴻都門學畫

先聖及七十二弟子像畫像始此

魏文帝正始七年令太常釋奠以太牢祀於辟雍以顏

淵配釋奠太學始此
前皆祀於闕里

晉武帝太始七年詔皇太子親釋奠於太學太子釋奠始此

隋文帝開皇初制國學州縣學春秋仲月上丁釋奠州縣

春秋仲月
釋奠始此

唐高祖武德二年詔國學分立周公孔子廟周孔子廟如此

太宗貞觀四年詔州縣皆立廟四時致祭以左邱明等

二十二人配徧祀天下郡邑學以先儒配始此元宗開元二十七年追

謚孔子為文宣王服袞冕樂用宮懸舞用八佾夫子追王始此

宋太祖建隆三年詔文廟門立戟十六親撰文宣王充

國公二贊仁宗景祐元年詔釋奠用登歌至和二年封

孔子後為衍聖公衍聖之稱始此

金章宗明昌二年孔子廟前置下馬牌

元世祖至元十年詔春秋二丁釋奠執事官員各公服

靈寶縣志

卷之二 禮樂

三

如其品陪位諸儒襴帶唐巾行禮丁祭執事諸儒變常服始此武宗

卽位追封孔子為大成至聖文宣王祀以太牢

明太祖洪武二年詔文廟附祀鄉賢名宦四年定祭置

高案遵豆簠簋登劍悉用磁牲用熟樂用六奏二十四

年敕每月朔望祭酒以下行釋菜禮郡縣學長吏以下

詣學行香二十六年頒大成樂器於郡州縣學成祖永

樂四年視學服皮弁行一奠四拜禮釋奠四拜始此世宗嘉靖

九年釐正祀典改稱至聖先師孔子四配復聖顏子宗

聖曾子述聖子思亞聖孟子十哲以下皆稱先賢左邱

明以下稱先儒去塑像設木主罷封爵祭用邊豆十舞
份六郡邑學邊豆殺其二舞止六

國朝順治二年定謚大成至聖文宣先師孔子十四年改
謚至聖先師孔子通行直省各學

康熙十二年

御題萬世師表匾額頒立文廟三十五年

御製孔子贊顏曾思孟四子贊發直省立碑雍正三年

御書生民未有乾隆三年

御書與天地參嘉慶七年

靈寶縣志

卷之二

禮樂

三

御書聖集大成道光元年

御書聖協時中咸豐二年

御書德齊疇載同治三年

欽頒聖神天縱匾額建立文廟

歷代從祀

先賢先儒考

後漢明帝永平十五年東巡祀仲尼七十二弟子

唐太宗貞觀二十一年詔以左邱明卜子夏公羊高穀

梁赤伏勝高唐生戴聖毛萇孔安國劉向鄭眾杜子春

馬融盧植鄭元服虔何休王肅王弼杜預范甯賈逵二十二人配享尼父廟堂元宗開元八年圖畫七十二弟子及二十二賢於廟壁令當朝文士分爲之贊二十七
年詔追贈十哲公侯爵曾子以下六十七人爵皆伯等爵
始此

宋初畫七十二賢及先儒二十二人像於東西廊之板壁命當時文臣爲之贊釋奠之禮如舊神宗熙甯八年令七十二賢二十二先儒皆依本朝郡國縣公侯伯爵品官服元豐六年詔封孟子鄒國公配享孟子配
享始此理宗

靈寶縣志

卷之二

禮樂

三

清祐元年以周敦頤張載程顥程頤朱熹從祀景定二年以張栻呂祖謙從祀度宗咸淳三年以顏淵曾參孔伋孟軻配享進顥孫師於十哲邵雍司馬光從祀

元仁宗皇慶三年以許衡從祀文宗至順元年以董仲舒從祀

明太祖洪武二十九年黜楊雄從祀英宗正統二年以宋胡安國蔡沈真德秀從祀八年以元吳澄從祀孝宗宏治八年以宋楊時從祀世宗嘉靖九年詔聖門弟子皆稱先賢左邱明以下皆稱先儒撤塑像易木主樂舞

仍用六份樂章中稱王者並易爲師從祀申黨及申根
去黨存棧公伯察秦冉顏何荀况戴聖劉向賈逵馬融
何休王肅王弼杜預吳澄俱罷祀遽瑗林放盧植鄭眾
鄭康成服虔范甯俱各祀於其鄉以后蒼王通胡瑗歐
陽修陸九淵從祀穆宗隆慶五年以薛瑄從祀神宗萬
曆十二年以王守仁陳獻章胡居仁從祀四十二年以
羅從彥李侗從祀

國朝康熙五十三年升周敦頤張載程顥程頤朱熹邵雍
爲先賢又以范仲淹從祀雍正二年復以遽瑗林放秦

靈寶縣志

卷之二

禮樂

三

冉顏何鄭康成范甯從祀增縣置牧皮樂正克公都子
萬章公孫丑諸葛亮尹淳魏了翁黃幹陳淳何基王柏
趙復金履祥許謙陳澔羅欽順蔡清陸隴其從祀東廡
首遽瑗西廡首林放列序先賢先儒共一百二十三人
位次乾隆三年升有子入殿次卜子夏移朱子於顥孫
子下復以吳澄從祀六年

欽頌定先賢先儒從祀位次道光二年至入年先後以劉宗

周湯斌黃道周呂坤陸贄孫奇逢從祀二十三年以文
天祥從祀二十九年以謝良佐從祀咸豐元年以李綱

從祀二年以蘇詩從祀三年以公明儀從祀七年以公
係儒從祀九年以陸秀夫從祀十年以曹端從祀同治
元年以毛亨呂樹從祀二年以方孝儒從祀八年以袁
燾從祀十一年以張履祥從祀

崇聖祀 雍正元年自叔梁公以上五代並追封為王爵

肇聖王木金父公正中南向

符聖王祈父公左

贈聖王防叔公右

昌聖王伯夏公左次

靈寶縣志

卷之二

禮樂

西

啟聖王叔梁公右次

祭品五案 帛五白色 羊一豕一劍一簋二簋二盞八

豆八酒樽一白磁爵三

東配

先賢孔氏孟皮一字伯尼成 顏氏無繇字路 孔氏鯉字伯魚

西配

曾氏點字皙 孟孫氏激字公宜魯公族孟孫之後

祭品每位一案 帛二白色 豕首一簋一盞一盞豆各四豕

肉一每位銅爵三

東廡

先儒周輔成清熙之父程

珦二程顯頤之父

蔡元定字季通沈之父

西廡

張迪載之父朱松字喬年熹之父

祭品 帛二白色 簋一 籩一 邊四 豆四 豕肉一 每位銅

爵三 禮節同 正殿不奏樂 用鼓吹

名宦鄉賢二祠 同時分祭 儀同兩廡

祭

關帝廟典禮 咸豐三年升入中祀

靈寶縣志

卷之二

禮樂

三

春秋二祭祭品 帛一白色 牛一 羊一 豕一 簋籩各二

邊豆各十

聖誕五月十三日祭品 帛一白色 牛一 豕一 羊一 果五盤

禮節

祭日贊引官引承祭官進左旁門至盥洗所贊盥洗盥洗畢引至殿內行禮處立典儀唱樂舞生就位執事者各司其事贊引官贊就位引承祭官就位立典儀唱迎神司香官捧香盒就香爐左邊立典儀唱作樂贊引官引承祭官就香爐前立司香官跪贊引官贊上香承祭

官立將炷香接舉插爐內又上塊香三次畢贊復位承祭官復位立贊跪叩與承祭官行三跪九叩頭禮樂止典儀唱奠帛爵行初獻禮捧帛爵官將帛爵捧進神位前典儀唱初獻樂作奠帛官跪獻畢行三叩頭禮退執爵官立獻畢退讀祝官詣安祝文桌前行三叩頭禮捧起祝文立樂暫止贊引官贊跪承祭官讀祝官俱跪贊讀祝讀畢捧至神位前跪安盛帛盒內畢行三叩頭禮退樂復作贊引官贊叩與承祭官行三叩頭禮立樂止典儀唱行亞獻禮唱亞獻樂作執爵官自案左邊

靈寶縣志

卷之二

禮樂

三

照初獻禮獻畢退樂止典儀唱行三獻禮唱終獻樂作執爵官自案右邊照亞獻禮獻畢退樂止典儀唱徹饌樂作樂止唱送神樂作贊引官贊跪叩與承祭官行三跪九叩頭禮立樂止典儀唱捧祝帛饌各詣燎位捧祝帛香饌官各至神位前俱跪捧祝帛官行三叩頭禮捧香饌官不叩頭將祝帛香饌依序捧送承祭官退至西旁立候捧祝帛各官過畢復位立樂作贊引官贊詣望燎位承祭官至燎爐前焚訖揖贊引官贊禮畢退樂止

春秋二祭五月十三日樂章

減豐四年春月製譜

春祭 夾鐘清均倍應鐘起調簫伏除伏笛伏除伏

迎神 格平之章

懿伏宮 鑠伏商 兮伏角 焜伏徵 煌伏角 神伏徵 威伏羽 靈伏宮 兮伏徵 赫伏羽

八伏宮 方伏羽 偉伏羽 烈伏角 照伏角 兮伏羽 累伏羽 禩伏羽 祀伏羽 事伏羽 明

在伏羽 兮伏羽 永伏羽 光伏羽 達伏羽 精伏羽 誠伏羽 兮伏羽 黍伏羽 稷伏羽 馨伏羽

香伏羽 儼伏羽 如伏羽 在伏羽 兮伏羽 洋伏羽 洋伏羽

奠帛初獻 翊平之章 三獻有舞餘無舞秋祭同

英伏羽 風伏羽 翊伏羽 兮伏羽 神伏羽 格伏羽 思伏羽 紛伏羽 綺伏羽 蓋伏羽 兮

靈寶縣志

卷之二

禮樂

三

伍龍伏羽 旗伏羽 斝伏羽 桂伏羽 醕伏羽 兮伏羽 盈伏羽 卮伏羽 香伏羽 始伏羽

升伏羽 兮伏羽 明伏羽 案伏羽 惟伏羽 降伏羽 鑿伏羽 兮伏羽 在伏羽 茲伏羽 流

景伏羽 祚伏羽 兮伏羽 翊伏羽 昌伏羽 時伏羽

亞獻 恢平之章

觴伏羽 再伏羽 酌伏羽 兮伏羽 告伏羽 虔伏羽 舞伏羽 干伏羽 戚伏羽 兮伏羽 在伏羽 合

侏宮伏羽 懸伏羽 歆伏羽 苾伏羽 芬伏羽 兮伏羽 在伏羽 潔伏羽 蠲伏羽 扇伏羽 巍伏羽

顯伏羽 翼伏羽 兮伏羽 在伏羽 神伏羽 功伏羽 宣伏羽

終獻 靖平之章

鬱伏羽 鬯伏羽 兮伏羽 三伏羽 申伏羽 羅伏羽 邊伏羽 簋伏羽 兮伏羽 伍畢伏羽 陳

伏儀伏卒伍度伍兮伏肅伏明伏禋伍神伍降伏福伍
兮伍宜伏民伏宜伏人伏

徹饌 彝平之章

物伏惟伏備伍兮伏成伏有伏明伍德伍惟伍馨伏兮
伏神伏其伍受伏告伏徹伍兮伍禮伍終伍罔伏咎伏
佑伏我伍家伍邦伍兮伏孔伏厚伍

送神 康平之章 其一

幢伏葆伏葳伏蕤伍兮伏神伍聿伍歸伍馭伏鳳伍軫
伏兮伏驂伍虬伏騏伏降伏烟伍煜伍兮伏餘伍翻伏

靈寶縣志

卷之二

禮樂

三

翻伏願伏回伏靈伍盼伍兮伏德伏洽伏明伏威伏

望燎 康平之章 其二

焄伏蒿伏烈伏兮伍燎伏有伏燁伍神伍光伍遥伍炳
伏兮伏祥伏雲伍霏伏祭伏受伍福伏兮伏茂伏典伏
無伍違伍庶伏揚伏駿伍烈伏兮伍永伏奠伏疆伏畿
伏

秋祭 南昌清均仲吕起調簫伏除伍笛伍除伍

迎神 格平

懿鑠兮焜煌伏亿伏伏伏神威靈兮赫八方伏伏伏伏
角徵羽宮羽

仇仇仇仇仇仇 告徹兮禮終罔咎 仇仇仇仇仇仇仇仇

我家邦兮孔厚 仇仇仇仇仇仇仇仇

送神 康平 其一

幢葆蕤蕤兮神聿歸 仇仇仇仇仇仇仇仇 馭鳳軫兮驂

虬駢 仇仇仇仇仇仇仇仇 降烟熅兮餘醑醑 仇仇仇仇仇仇

仇仇 願回靈盼兮德洽明威 仇仇仇仇仇仇仇仇仇仇

望燎 康平 其二

焜蒿烈兮燎有輝 仇仇仇仇仇仇仇仇 神光遙炳兮祥雲

罪 仇仇仇仇仇仇仇仇 祭受福兮茂典無違 仇仇仇仇仇仇

靈寶縣志

卷之二 禮樂

三

仇仇仇仇 庶揚駿烈兮永奠疆畿 仇仇仇仇仇仇仇仇仇仇

關帝廟舞譜 咸豐四年添設

初獻作翊平舞 左右班各三十二人 春暖 秋涼 帽

第一句英風颯兮神格思 英正立于居中威下垂風

正面身微俯干正舉威衡左手上颯向 仇仇仇仇仇仇仇仇 仇仇仇仇仇仇仇仇

舉威斜衡左手上兮 仇仇仇仇仇仇仇仇 仇仇仇仇仇仇仇仇 仇仇仇仇仇仇仇仇

正立干正舉威衡左手上格 仇仇仇仇仇仇仇仇 仇仇仇仇仇仇仇仇 仇仇仇仇仇仇仇仇

左側首干植地威衡左手上第二句紛綺蓋兮龍旗

紛 仇仇仇仇仇仇仇仇 仇仇仇仇仇仇仇仇 仇仇仇仇仇仇仇仇 仇仇仇仇仇仇仇仇

左手上蓋正面起左足于高舉戚斜衡兮正面身微俯
兩足並于正舉戚衡左手上龍東向兩足並于平舉戚
衡左手上旗正面兩足並手微拱于平舉戚衡左手上

第三句酌桂醕兮盈卮 酌俯首左足虛立于居左戚

居右少垂桂正面左足少前兩手微拱向右作俯視勢

于平舉戚衡左手上酌正面右足少前兩手微拱向左

作俯視勢于平舉戚衡左手上兮身俯向西足進前東

于戚偏左作肩負勢盈正立于居左戚居右卮身俯面

微仰兩足並于正舉戚衡左手上第四句香始升兮明

豐寶縣志

卷之二

禮樂

梁 香正面右足虛立于戚偏左始正面身微俯右足

交於左于平舉戚衡左手上升西向兩足並兩手推出東

于平舉戚衡左手上兮俯首身蹲左足少前于戚偏右

明正立于居中戚居右梁東向身微俯右足少前于側

舉戚衡左手上第五句惟降鑿兮在茲 惟東向右足

少前身微俯作下視勢于平舉戚衡左手上降正面兩

足並于正舉戚衡左手上鑿俯首偏左足少前右足

虛立于戚偏右兮東向頭微俯起右足于平舉戚斜衡

左手上在正立于居左戚居右下垂茲向西身衡俯左

足交於左干戚偏右第六句流景祚兮翊昌時 流身

俯右足少前干居左戚居右下垂及地景正面左足少

前身微倚東干戚偏右祚正面右足少前身微倚東干

戚偏左兮正立兩手高拱干正舉戚平衡翊首微俯手

微拱兩足並干正舉戚衡左手上昌正面屈雙足干正

舉戚衡左手上時屈雙足俯首干正舉戚衡左手上

亞獻作恢平舞

第一句觴再酌兮告虔 觴正立羽籥植再東向右足

進前趾虛立羽籥如十字酌東向右足進前兩手微拱

雲寶縣志

卷之二

禮樂

三

羽籥如十字兮東向兩足並籥東指羽植如十字告正

立籥斜舉羽植虔正立羽籥如十字第二句舞干戚兮

合宮懸 舞正立俯首羽籥如十字干向東身俯右足

進前籥斜指下羽植戚正面兩足並羽籥並植兮身微

向西羽籥偏左如十字合向東左足進前籥斜衡羽植

籥上宮正立籥平衡羽植懸正立兩手上拱羽籥如十

字第三句歆苾芬兮潔蠲 歆正立俯首作拱揖勢羽

籥如十字苾正面身微蹲籥植過肩羽平額交如十字

芬西向起左足兩手相並推向東羽籥植兮身微向東

兩手微拱向左羽籥如十字潔身微向西兩手微拱向

左羽籥如十字蠲東向身微俯籥平指東羽植第四句

扇纒顯翼兮神功宣 扇向東身俯起右足籥斜衡羽

植巍正立首微俯羽籥植顯正面身微向東兩手推向

東羽籥並植翼正面身向西起左足羽籥植兮正面身

蹲籥衡膝上羽植神俯首身蹲右足少前羽籥偏左如

十字功正面屈雙足羽籥如十字宣俯首至地羽籥如

十字

終獻作靖平舞

靈寶縣志

卷之二

禮樂

第一句鬱鬱兮三申 鬱正立籥下垂右手推出羽植

幽正面身微向西少蹲兩手推向西羽籥植兮東向籥

下垂右手伸出羽植東向右足進前身微俯籥斜指

羽植申東向右足少前手微拱面微仰羽籥如十字第

二句羅籥盥兮畢陳 羅西向左足少前手微拱面微

仰羽籥如十字籥正立身俯羽籥如十字籥正立籥植

過肩羽平衡如十字兮正面身向東右足進前左趾虛

立羽籥並植畢正面右足交於左羽籥如十字陳正立

籥下垂羽植第三句儀卒度兮肅明禮 儀首微俯手

微拱兩足並羽籥如十字卒正立羽籥斜交度正立羽
籥偏右斜倚肩兮正立籥植過肩羽平額交如十字肅
正面右足交於左籥植居左羽平指西東明西籥東西
指羽植裡正立籥平舉過肩羽植第四句神降福兮宜
民宜人 神東向起右足羽籥植降東向身微俯兩手
拈出羽籥植福正立兩手相交羽籥並植兮正立身偏
左兩手微拱羽籥如十字宜正立身偏右兩手微拱羽
籥如十字民正面身微蹲兩手並羽籥植宜正面屈雙
足羽籥如十字人俯首至地羽籥如十字

靈寶縣志

卷之二

禮樂

一

祭後殿

咸豐四年追封三代王爵

曾祖光昭王正中南向

祖裕昌王左

父成忠王右

春秋二祭祭品

三

帛各一

白

豕各一

羊各一

不用牛

簠

簋各二 邊豆各八

同日四更祭後殿行二跪六叩頭禮不用樂舞不行飲

福受祚禮餘儀節與前殿同

祭

文昌廟典禮

咸豐六年升中祀

春秋二祭二月初三日祭品禮節與

關帝廟同

樂章

咸豐六年新定

春祭 夾鍾清均倍應鍾起調簫六除

伍笛止除伍

迎神 丕平

秉氣兮靈躔

伋伋伋伍伍

翊文運兮赫中天

伋伋伍伍

伍伋伍

徵宮羽 蜺旌兮戾止

伋伋伋伋

雕俎兮告虔

伋伋伍伍

伍伍

迓神庥兮奏管絃

伋伋止伍伍伍

昭聖德兮於

靈寶縣志

卷之二

禮樂

三

萬斯年

伋伋伋伍伍伍

奠帛初獻 俶平

神之來兮遵筮式陳

伋伋伍伍伍伍

神之格兮几

筮式親

伍伍伍伍伍伍

格昭彰兮靈貺

伋伋伍伍

伋伋

致蠲潔兮明禋

伋伋伍伍伍伍

升香兮伊始

伋伍

伍伍伍

居歆兮佑我人民

伋伍伍伍伍伍

亞獻 煥平

再酌兮瑤觴

伋伋伍伍伍

燦爛兮庭燎之光

伋伋伍伍

伍伍伍

申虔禱兮神座

伋伍伍伍伍伍

儼陟降兮帝旁

伍仕伏伍伏伏
采醴潔兮齋邀將
伏伏伏伍仕伏伏
綏

景運兮靈長
伏仕伍伏伏伏

終獻 煜平

禮成三獻兮樂奏三終
伏伏伏伍仕伏伏伍仕
單敷元

化兮絜神功
伏伏伏仕伍伏伏伍
馨香達兮胖饗通
伏

止伍仕伏伏伍
歆明德兮昭察寅衷
伏仕伍仕伏伏伏

徹饌 懿平

備物兮惟時
伏伏伏伍仕
告徹兮終禮儀
伏仕伍伏伏

伏
神悅懌兮鑒在茲
伏伏伍仕伍伏伏
垂鴻佑兮累洽

靈寶縣志

卷之二

禮樂

三

重熙
仕伍伏伏伏伏伏

送神 蔚平

雲駢駕兮風旗招
伏伏伏伍仕伏伏
神之歸兮天路遙

伍仕伏伍伏伏伏
瞻翠葆兮企丹青
仕伏伍仕伍伏仕

願回靈眷兮福我朝
伏伏仕伍仕伏伏伏

望燎

烟熅降兮元氣和
伏伏伍伏伍伏伏
神光燭兮梓潼之

阿
伏伏伍仕伏伏伍仕
化成耆定兮藥弓戢戈
伏伏伏

仕伍伏伏伍仕
文治光兮受福則那
仕伍伏仕伏伏伏

秋祭 南昌清均仲吕起調簫伏除伍笛仕除伍自迎
神至望燎樂章俱同春祭所異者音調耳

迎神 丕平

第一句 角徵羽宮商 第二句 徵羽宮商宮角商 第三句

仕 亿 仕 亿 仕 第四句 仕 伏 伏 伏 伏 第五句 亿 仕 伏 伏 亿

仕 伏 第六句 伏 伏 伏 亿 仕 伏

奠帛初獻 傲平

第一句 仕 亿 伏 仕 伏 伏 亿 仕 第二句 伏 伏 伏 伏 仕 伏

伏 第三句 亿 伏 伏 伏 亿 仕 第四句 亿 仕 伏 伏 亿 仕 第五

靈寶縣志

卷之二

禮樂

三

句 伏 伏 伏 亿 仕 第六句 伏 伏 伏 仕 亿 伏

亞獻 煥平

第一句 伏 亿 仕 伏 伏 第二句 仕 亿 仕 亿 仕 伏 伏 第三句

亿 仕 伏 伏 亿 仕 第四句 伏 伏 伏 伏 亿 仕 第五句 仕 亿 仕

伏 伏 亿 仕 第六句 伏 伏 伏 仕 亿 伏

終獻 煜平

第一句 伏 亿 仕 伏 伏 亿 仕 伏 伏 第二句 亿 仕 伏 伏 伏 伏

仕 伏 第三句 伏 伏 伏 伏 亿 仕 伏 第四句 伏 伏 伏 伏 亿 仕

亿 伏

徹饌 懿平

第一句 伋伋伋伋 第二句 伋伋伋伋 第三句 伋

伋 第四句 伋伋伋伋 伋伋伋伋 伋伋

送神 蔚平

第一句 伋伋伋伋 第二句 伋伋伋伋 第三句 伋

三句 伋伋伋伋 第四句 伋伋伋伋 伋伋

望燎

第一句 伋伋伋伋 第二句 伋伋伋伋 第三句 伋

第三句 伋伋伋伋 第四句 伋伋伋伋 伋伋

靈寶縣志

卷之二

禮樂

三

伋伋

文昌廟舞譜 咸豐六年添設

迎神排班奠帛初獻舞起

神之來兮邊籥式陳 正陽舞 別正開牌

神之格兮几筵式親 外擺首 正陽舞

極昭彰兮靈貺 正垂舞 正一揖

致蠲潔兮明禋 背一照 正拱首

升香兮伊始 外擺首 一跪

居歆兮佑我民人 一叩首

亞獻舞起終獻末句微

再酌兮瑤觴

對雙舞

對躬身

燦爛兮庭燎之光

朝外監樂上

樂存身

申虔禱兮神座

背一揖

背雙舞

儼陟降兮帝旁

朝上平搭羽

一對面

粢醴潔兮齋邀將

裏一揖

一跪

綏景運兮靈長

一叩首

終獻舞起與亞獻同

禮成三獻兮樂奏三終

單敷元化兮繫神功

靈寶縣志

卷之二

禮樂

三

馨香達兮肝鬻通

歆明德兮昭察寅衷

社稷壇

社主土勾龍氏配
稷主穀后稷氏配

每歲春秋仲月上戊日出主於壇而祭之

祭品

帛二

黑豕一

羊一 鉶二 邊四 豆四 簋二 簋二 罇

一爵三

禮節與

先農壇同

神祇壇

凡直省府州縣各於春秋仲月祭

天神

地

祇及本境

城隍之神在城文武皆與祭

風雲雷雨神位居中

帛四

山川神位居左 帛二

城隍神位居右 帛一俱白色

祭品禮節與 社稷同

八蜡祠 每歲二月十四日八月十四日致祭

祭品儀節與 社稷同

厲壇 每歲清明日七月望十月朔請

城隍之神出主其祭傍無祀鬼神分祭之

祭品 帛一 羊一 豕一 飯米三石

軍牙六燾 每歲霜降日祭之

靈寶縣志

卷之二

禮樂

罕

祭品 帛一 羊一 豕一

救護

日食豫行所屬官司前期設香案於露臺金鼓列儀門
樂人列臺下設拜位於露臺上俱向日至期陰陽生報
日初虜各官衣便服行三跪九叩頭禮班首官上香畢
正官擊鼓三聲眾鼓齊鳴及報圓鼓聲止各官衣朝衣
行三跪九叩頭禮畢月食儀同

祈雨

龍王神廟注水盈缸內插柳枝設香案香蠟拜用薦僧道

各一班開壇送經禮生四名鼓吹一班各官衣素服步行至廟禮生引至拜位通贊生唱行一跪三叩頭禮宣疏文畢再行一跪三叩頭禮焚疏文再揖禮畢

祈晴

城隍廟設香案香蠟拜用紅氈僧道各一班開壇送經禮生四名鼓吹一班各官衣素服步行至廟禮生引至拜位通贊生唱行一跪三叩頭禮宣疏文畢再行一跪三叩頭禮焚疏文再揖禮畢

鄉飲酒

靈寶縣志

卷之二

禮樂

四

每歲正月十五日十月初一日於儒學行禮前一日執事者於儒學之講堂陳設坐次司正率執事者習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席者率僚屬出迎於庠門之外以入主居東賓居西三揖三讓而後升堂東西相向立贊兩拜賓坐執事又報曰僕至主席又率僚屬出迎揖讓升堂拜坐如前儀賓介俱至既就位執事者唱司正揚觶執事引司正由西階至堂中北向立執事者唱賓僕以下皆立唱揖司正賓僕以下

皆揖執事者以解斟酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭內
睦宗族外和鄉里無或廢墜以忝所生語畢執事者唱
司正飲酒飲畢以解授執事執事者唱揖司正揖賓僕
以下皆揖司正復位賓僕以下皆復位唱讀律令執事
者舉律令案於堂中引讀者詣案前北向立唱賓僕以
下皆立行揖禮如前讀畢復位執事者唱供饌案執事
舉饌案至賓前次僕次介次主三賓以下各以次舉訖

靈寶縣志

卷之二

禮樂

三

執事者唱獻賓主起席北面立執事斟酒以授主主受
爵詣賓前置於席稍退贊兩拜賓答拜訖執事又斟酒
以授主主受爵詣僕前置於席交拜如前儀畢主退復
位執事唱賓酬酒賓起僕從之執事者斟酒授賓賓受
爵詣主前置於席稍退贊兩拜賓僕主交拜畢各就位
坐執事者分左右立介三賓衆賓以下以次斟酒於席
訖執事者唱飲酒或三行或五行唱供湯又唱斟酒飲
酒供湯三品畢執事者唱徹饌候徹饌案訖唱賓僕以
下皆行禮僕主僚屬居東賓介三賓衆賓居西贊兩拜

訖送賓以次下堂分東西行仍三揖出屏門而退
凡鄉飲酒禮序長幼崇賢良別奸頑其坐席間年高德
邵者居上高年醕篤者並之以次序齒兩列其有違條
犯法者不許干於良善之席違者罪以違制敢有誼譁
失禮者揚鱗者以禮責之 主知府知州知縣如無正
官佐貳官代位於東南 大賓以鄉之年六十以上德
厚望重輿論允協者二人爲之位於西北 僕擇里中
年高有德之人位於東北介以次長位於西南 三賓
以衆賓之長者三人位於賓主介僕之後除賓僕外衆

靈寶縣志

卷之二

禮樂

三

賓序齒列坐其僚屬則序爵 司正以教職爲之主揚
觶以罰 贊禮者以老成生員爲之

歌章 初獻鹿鳴之首章次歌南山之首章三歌湛露
之首章終歌天保之首章

鄉約

凡城內及各大鄉村各立講約之所設約正一人於舉
貢生員揀選老有學行者爲之值月三四人選樸實有
守者爲之置二籍德業可勸者爲一籍過失可規者爲
一籍值月掌之月終則告於約正而授於其次每月朔

日舉行先期值月豫約同鄉之人夙興集於講約之所
俟約正及耆老里長皆至相對三揖眾以齒分左右立
設案於庭中值月向案北面立亢聲宣讀

聖諭廣訓各人肅聽約正復推說其義必愷切叮嚀務使警
悟通曉未達者仍許其質問講畢於此鄉內有善者眾
推之有過者值月糾之約正詢其實狀眾無異詞乃命
值月分別書之值月遂讀記善籍一遍其記過籍呈約
正及耆老里長默視一遍皆付值月收之事畢眾揖而
退歲終則考較其善過彙冊報於州縣官設爲勸懲之
法有能改過者一體獎勵之

靈寶縣志

卷之二

禮樂

四

上官

凡新官上任未到城一舍先告示官屬父老人等令灑
掃應祀神祇祠宇豫治牲醴比至城外齋宿翌明入城
詣諸神祠致祭祭畢受印至本衙門儀門下馬從申道
入於月臺土望闕行三跪九叩頭禮畢陞座開印簽
押以次參見先皂隸次吏典行兩拜禮坐受次屬官行
兩拜禮拱手各禮次佐官行兩拜禮出座答拜查點
庫匙鑰署判各房須知事件畢事而退



